


Falemeli o Samoa Fuafuaga Autasi 2015 -2017



Fa'aailoga Tusi Fa'apitoa mo le fa'ailogaina ole Teuila.

"Avea le Falemeli ma au pa'aga fa'apisinisi."

Fa'asinoga Mataupu

- 1. Fa'amatalaga 'Oto'oto.....Itulau 3 - 4**
- 2. Fa'avae Fa'aletulafono.....Itulau 5**
 - 2.1 Si'osi'omaga.....Itulau 5*
- 3. Fa'amatalaga o le Fa'alapotopotoga.....Itulau 6 – 9**
 - 3.1. Talafa'asolopito a le Kamupani.....itulau 6*
 - 3.2. Fa'atulagaina o Tofiga o le Fa'alapotopotoga..itulau 7 - 9*
 - 3.3. Tulaga tau tupe a le Kamupani.....itulau 9*
- 4. Mataupu fa'atautaiga mo le piliota fuafa'atatau ..Itulau 10-13**
 - 4.1. Iloiloina o Fua o Galuega.....itulau 10*
 - 4.2. Iloiloga o Malosiaga, Vaivaiga, Avanoa ma A'afiaga (SWOT Analysis).....itulau 11-13*
- 5. Fa'amatalaga o le Fuafuaga Autasi.....Itulau 14**
 - 5.1. Sini Fa'amoemoeina, Sini Galue ma Agava'a
Taua.....itulau 14*
- 6. Sini 'Autu, Auala e Ausia ai ma Fua o GaluegaItulau 15-17**
- 7. Fa'amatalaga Tau Tupe fuafuaina fa'atatau.....Itulau 18-25**
 - 7.1. Fuafa'atatau o Tupe Maua 2015-2017.....itulau 18-19*
 - 7.2. Fuafa'atatau o Tulaga tau Tupe 2015-2017...itulau 20-21*
 - 7.3. Fuafa'atatau o Tupe Fetafeai 2015-2017.....itulau 22-23*
 - 7.4. Fa'ailoiloga tau Tupe 2015-2017.....itulau 24-25*
- 8. Poloketi Fuafua Lagolago Faiga Fa'avae SamoaItulau 26**
- 9. Lagolagoina o Faigafa'avae a le MaloItulau 27**

1. Fa'amatalaga 'Oto'oto

Ua maitauina pea suiga tetele i maketi tau feso'ota'iga i lenei vaitau. O le televave o suiga, ua mo'omia ai le mata'itu lelei ma fuafua alafua talafeagai, e tali atu ai i nei suiga.

Ua fa'auau pea le fa'aititia o meli tusi felafoa'i ile lalolagi atoa, peita'i o le a le nofoa'i ai le Pulega i ia fa'afitauli. O le vave tele ona o'o mai o nei o suiga, ua matuā taula'i ai le va'ai, ia vave ona ofoina atu 'au'aunaga talafegai ma suiga mo'omia, e tali atu ai i fesuia'iga o mana'oga o le au fa'atau.

Ua malamalama lelei le Falemeli i le fesuisuia'i pea o tulaga o fefa'ataua'iga ile 'au'aunaga ofoina atu, e fa'aaogaina ai avanoa e fa'aogaina ai tekonolosi fa'aonaponei, auā le fa'aleleia atili o 'au'aunaga ia talafetaui ma fefa'ataua'iga mo le taimi nei. Ua fuafua foi e le Falemeli e fa'atinoina nisi 'au'aunaga fou, e fuafua i mana'oga o tagata lautele.

O le fa'atupula'ia o le fa'aaogaina o tenokolosi fa'aonaponei mo feso'ota'iga ma fa'atauga i luga o initaneti, ua si'itia ai fuainumera o meli afifi fa'atasi ai ma meli fa'apitoa ua felafoa'i. Ua fa'atinoina ai e Falemeli i le lalolagi suiga vavave talafeagai, mo le fa'aleleia atili o le kilivaina o nei meli afifi.

Ua ave le fa'amuumua i le fa'aleleia o tulaga o meli afifi, lea ua va'aia le si'itia pea, atoa ma le faia o suiga fou e fa'alelei ai le fa'aaogaina o tenokolosi fa'aonaponei e fa'atino ai fefa'ataua'iga o oloa. O le fuafuaga fa'ata'atia, ia sa'ilia ni fai pa'aga talafeagai, mai atunu'u i fafo mo le fa'atinoina o lea 'au'aunaga.

Ua maitauina le malosi o feso'otaiga fa'atekonolosi i le fa'atupulaia o le tamaoiga fa'aonaponei. Ua fa'aaogaina foi lenei malosiaga fa'atekonolosi, e tu'uina atu ai 'au'aunaga o tupe fa'amomoli i falemeli uma i Savaii. Ua fa'aogaina foi mo le totogi'ina o pili, ma o le a fa'alauteleina atu ai le 'au'aunaga i tupe fa'amomoli. O falemeli fa'a-itumalo i nu'u i tua, o se auala taugofie tele mo le tu'uina atu o so'o se 'au'aunga fa'a-le-malo.

Ua fa'auau pea le fa'aleleia le 'au'aunaga tau meli e tauala i le mafai ona sa'ilia o meli felafoa'i I luga o le upega tafailagi a le Falemeli o Samoa e tauala mai i le fesoasoani malosi mai o le Falemeli o le Lalolagi. Ua fa'atuatua nei lenei tulaga ona o le mana'omia tele, mo le tu'uina atu o fa'amatalaga, i le sa'ilia o meli o lo'o fa'atauina i luga o initaneti, ei latou o lo'o fa'aogaina nei foi 'au'aunaga.

O le 'ausiaina o sini 'autu ma ta'iala ua fa'ata'atitia i totonu o le Fuafuaga 'Autasi, ua mo'omia le fa'aleleia atili o metotia mo le kilivaina o meli. O le a'oa'oina o le 'aufaigaluega i agava'a ma tomai mo'omia e fa'atino ai galuega, 'aemaise le va'aiga ma le puleaina o pisinisi i auala talafeagai mo lenei vaitau, ua fa'ataua.. O le 'ausiaina o ta'iala ua fa'alagolago lea i le mata'ala, fa'amaoni, agava'a ma galulue malosi o le 'aufaigaluega, fuafua i le saoasaoa o le tulaga ua iai pisinisi i le nei vaitau.


O le fa'atinoina o sini 'autu taua ma ta'iala fa'ata'atitia, o le a matuā iloilo ma mata'itu i ona tulaga uma, e le gata i le fa'atinoina, ao le mautinoa o lo'o 'ausia ta'iala fa'atatitia, i taimi talafeagai, e le gata i tulaga tau tupe maua, a'o le 'ausia o ta'iala mo le tu'uina atu o 'au'aunaga lautele mo le mamalu o le atunu'u. O lo'o ua vaevaeina foi le Pulega, ina ia mafai ona tali atu i manaoga ma suiga i le vave e mana'omia, mai lea taimi i lea taimi, ia mautinoa, 'ausia tapula'a e pei ona fuafuaina.

O le mafai ona iloa o suiga fuafua mai, ma fa'atinoina sini talafeagai i le vave e mana'omia, o se malosiaga lelei lea mo le Falemeli o Samoa. O le mafana foi o faiga pa'aga ma Iuni a Falemeli i Asia ma le Pasefika atoa ai ma le Iuni a Falemeli o le Lalolagi, o le fesoasoani

malosi lea, i le fa'asoa mai o fa'amatalaga o suiga, ma auala talafeagai e tali atu ai, atoa ai ma suiga mana'omia mo le aga'i luma, ia mautinoa e solosolo lelei pea galuega a le Falemeli o Samoa.

O le si'itia o le tulaga tau i Pulega Lelei ma 'Au'aunaga lelei, ma le tulaga mautū i le Tali Atu i so'o se vaega o galuega fa'atino, o tulaga tau Tupe ma 'Au'aunaga, ua mausalī. Ma o le a taula'i pea le va'ai i le tuliloaina ma mata'itu ta'iala ma sini 'autu, e pei ona ua fa'ata'atitia i le Fuafuaga 'Autasi. E maualuga le fa'amoemoe, o le a 'ausia uma nei ta'iala ma sini 'autu ua fuafua mo lenei piliota, i le fesoasoani mai o le Atua i galuega fa'atino.

Ma le fa'aaloalo lava,



Tupe Ualolo Nun Yan
OFISA SILI O PULEGA

2. Fa’avae Fa’aletulafono

O lo’o fa’atinoina galuega a le Falemeli o Samoa i lalo o le fa’asinomaga mo taiala, ma tulafono e fa’apitoa mo le Falemeli o lo’o ta’ua i lalo:

- Tulafono o Galuega Tau Meli 2010
- Tulafono o Kamupani 2001
- Tulafono fa’atonutonu e aofia ai le Tulafono o Fa’alapotopotoga a le Malo (Fa’atinoina o Galuega ma le Mautali Atu) 2001 ma le Tulafono Tau le Pulea o Tupe a le Malo 2001.

2.1 Si’osi’omaga tau tulafono (Tulafono o Galuega tau Meli 2010)

O lo’o fa’atautaia galuega a le Falemeli o Samoa ma ta’ialaina i tulafono o lo’o i lalo o Tulafono Auaunaga tau Meli 2010.

O Samoa foi o se sui o le Iuni o Falemeli o le Lalolagi (UPU) Universal Postal Union, ma talu ai o le Falemeli o Samoa o lo’o ofoina atu `au’aunaga tau meli mo Samoa, ma o lo’o mulimulita’i foi ma fa’aaogaina uma ta’iala fa’aletulafono a Iuni o Falemeli o le Lalolagi. O lenei fa’alapotopotoga o lo’o va’ava’aia galuega tau meli o loo fa’atinoina e Falemeli uma i le lalolagi atoa, ma e 192 ona sui auai.

3. Fa'amatalaga o le Ofisa o le Falemeli

3.1 Tala'aga a le Falemeli o Samoa

O le Falemeli o Samoa, o se fa'alapotopotoga mo 'au'aunaga lautele mo le atunu'u o Samoa i tulaga tau meli. E iai ni suiga tetele na tula'i mai i maketi o feso'ota'iga i le lima(5) tausaga ua tuana'i, e pei ona atagia mai i suiga i ta'iala ma sini 'autu aemaise o ana 'au'aunaga. O nei suiga o lo'o ua taula'i ma mata'ituina e le kamupani, ona o le ogaoga o a'afiaga i le fa'atinoina o galuega a le Falemeli.

O le si'osi'omaga faa-pisinisi ua atili maualuga lona tulaga ma'aleale, ma a'afia tele ai le fa'atinoina o 'au'aunaga mo le mamalu lautele o le atunu'u aemaise lava 'au'aunaga mo nu'u i tua ma le motu i Savaii.

O le fa'atupula'ia pea o le fa'aogaina o feso'otaiga fa'atekonolosi mo le atina'eina o le tamaoaiga o le atunu'u, ua matua afaina ai lava 'au'aunaga a Falemeli, e le gata o Samoa a'o le lalolagi atoa. O suiga tetele ua molimauina i le fa'aititia pea o meli tusi i le 41%, e le gata o meli e lafoina mai i Samoa, ae aofia ai foi ma meli lafoina atu i atunu'u mamao. Ma e ui lava i lenei tulaga fa'aletonu, ae ua vaaia le si'itia malie lava o le fuainumera, o meli afifi ma meli fa'apitoa, peita'i e le gafatia e lenei si'itaga iti'iti, ona suia le pa'u maualalo o meli felafoai, i lona aotelega.

O le mata'ituina o suiga e ono tula'i ma ona a'afiaga, o le malosiaga lea, i le vave ona fa'atinoina o suiga e tali atu ai, ina ia fa'aititia ai a'afiaga i le 'au'aunga. O le fesoasoni malosi mai o a matou pa'aga, e fa'aauau ai pea ona malosi le kamupani, e tali atu ai i suiga i feso'otaiga fa'aneionapo.

O 'au'aunaga fa'apitoa lava mo le Falemeli e pei o, meli afifi, pusa meli, fa'ailoga tusi, e iti'iti lava ni tupe e maua mai ai, ma e le gafatia ona fa'afetaui'ina, le tulaga fa'aletonu i lona aotelega, mai suiga i feso'otaiga fa'aneionapo.

O 'au'aunaga fa'apisinisi, o lo'o a'afia fo'i i le laititi o le maketi i totonu lava o Samoa, fa'atasi ai ma le laititi o le tamaoaiga, fa'atasi ai ma le auai foi o isi foi kamupani, o lo'o fa'atinoina foi lenei 'au'aunaga, ua leai ai se tupe fa'asili tele mai nei 'au'aunga.

O le silafia lelei o a'afiaga tau maketi o feso'ota'iga ma a'afiaga tau pisinisi, e mafai ai pea e le Falemeli ona va'ava'ai toto'a i 'au'aunga ua talafeagai mai lea taimi i lea taimi. O le fa'aleleia atili ma le ofoina atu o ni 'au'aunaga fou, e tatau ona fa'ataua, ina ia mautinoa ai le mana'omia pea o le Falemeli ma ana 'au'aunaga, e le mamalu o le atunu'u.

O le a feagai pea le kamupani ma fa'afiatuli, e fa'aititia ai tupe maua ma tupe fa'asili mamā i tausaga fa'aletupe o lumana'i. Ae o le a mata'itu pea e le kamupani, ana sini galue, ma le ofoina atu pea lea o lana 'au'aunaga mo le atunu'u lautele, i se tulaga maualuga, ma i se tau talafeagai, mo le mamalu o le atunu'u, aemaise lava i nu'u i tua.

3.2 Fa'atulagaina o Tofiga o le Fa'alapotopotoga


O le fa'atulagaina o tofiga ua fa'atau ai itu nei:

- Ia fa'atinoina ma galuea'ina sini 'autu ma ta'iala o lo'o i le Fuafuaga Autasi, i se tulaga maualuga e ala lea i le fa'aaogaina o agava'a ma tomai o le 'au-faigaluega o lo'o iai.
- O le tapena ma fa'amalosia le Falemeli, ia mafai ona tali atu i suiga e o'o mai i tulaga tau pisinisi mai lea taimi i lea taimi.
- Ia pulea lelei le fa'aaogaina o tupe i ona vaega uma, ma ia mata'itu lelei ina ia mautinoa e maua pea tupe maua fa'asili i tausaga uma.
- O le fa'ata'atia lelei o tofiga ma tulaga o le 'aufaigaluega fuafua i tomai ma agava'a, ma ia taula'i le va'ai i tulaga e mo'omia ei latou o lo'o ofoina iai le 'au'aunaga a le kamupani, mata'itu le fa'aaogaina lelei o auala o fa'atalatalanoaga pea mo'omia ona e taua tele mo Pulega lelei 'aemaise ise si'osi'omaga tau pisinisi ua tauau ina mou atu lona taua e pei ona iai nei.

Ua vaevaeina ma tofiaina le 'au-faigaluega i vaega se tolu (3) atoa ai ma ona sini 'autu ma ua tofua ma lona Pule, e pulea ma mata'itu le fa'atinoina o galuega, atoa ai ma le va'aia ma le fa'atonutonuina o le 'aufaigaluega o vaega taitasi. O nei vaega e tolu o loo va'aia ma puleaina e le Ofisa Sili o Pulega, e tauala i le pule lagolago, fa'atasi ai ma le fesoasoani i le Pule Sili i le fa'atinoina o le fuafuaina o galuega.

O le auivi fa'ata'atia mo lenei tolu tausaga, ia o' gatasi ma tofiga i isi fo'i Fa'alapotopotoga a le Malo. O le fa'aopopoina o avanoa fou, o le a fa'amalosia atili ai le fa'aleleia o le fa'atinoina o galuega, aemaise pisinisi fuafua mo le isi tolu tausaga.

Fa'atulagaina o Tofiga o le Fa'alapotopotoga



• **Fa'amatalaga:**

O lo'o fa'afaigaluegaina e le kamupani tagata e 22 o lo'o galulue tumau fa'aopopo ai ma le 3 oi latou o lo'o galulue fa'avaitaimi:

- 2 teufale/teufanua
- 1 aveta'avale i Savai'i

3.3. Tulaga tau tupe a le Kamupani

O lo’o fa’auau pea ona ‘ausiaina e le kamupani tulaga lelei i sini ‘autu i tupe maua ma tufatufaga mo le malo i le fa (4) tausaga ua mavae. Peita’i o loo fa’auau pea ona fa’asolo ina fa’aititia le tulaga o maketi mo le Falemeli. O le fa’amoemoega o le Falemeli i ana ‘au’aunaga taualoa, ua matuā le gafa taulimaina mo le kamupani i le tolu (3) tausaga i le lumana’i.

I le taimi nei, ua silasila le kamupani ini ‘au’aunaga fou fa’aopopo i fafo atu o Samoa, ma ua sui ai fo’i le taula’i a le kamupani i meli afifi lapopo’a ma lona feaveai’ina. O le si’itia o maketi o fefa’ataua’iga o oloa i luga o initaneti, ua va’aia ai le fa’ataua o le kilivaina o nei oloa i se taimi vave lava. O pisinisi ma Falemeli ua saili’ili i auala fou e fa’aleleia ai lenei ‘au’aunaga mo le mamalu o tagata fa’atau.

O le tala fa’atatau o le tupe a le kamupani mo le isi tolu (3) tausaga o lumana’i ua fa’apea ona fuafua i faiga pa’aga fa’apisinisi i atunu’u i fafo e lelei tupe fuafua o le a maua mai ai, mo le fa’atinoina o galuega e gafataulimaina e le kamupani i le lumana’i.

4. MATAUPU FA'ATAUTAIGA MO LE PILIOTA FUAFU'ATATAU

4.1 Iloiloina o le Si'osi'omaga Fa'apisinisi.

4.1.1 Si'osi'omaga i Fafu atu o le Ofisa.

O lo'o maitauina pea suiga maoa'e i le si'osi'omaga o le pisinisi tau meli, e pei o le fa'aititia pea o tupe fa'aalu mo galuega fa'atino e a matou pa'aga fa'apisinisi ina ia maua foi ni a latou tupe fa'asili.

Na fa'amutaina e le Western Union le matou faiga pa'aga ma latou i le aso 31 Tesema 2013, ma ua fa'amutaina fo'i e le Fa'alapotopotoga Tau Eletise (EPC) le matou faiga pa'aga ile faiga o Cash Cards ma matou fa'atauina atu i le mamalu o le atunu'u ae maua ai se komisi/tupe mo le kamupani fuafua i pepa fa'atau. O fa'afitauli e le mafai ona o'o i ai le malosi o le kamupani.

4.1.2 Alatetele mo Initaneti

O fuafuaga a le Malo ina ia fa'ateleina avanoa e fa'aaoga ai tenokolosi fa'aonaponei mo feso'ota'iga i totonu o le atunu'u, ua atili a'afia ai le 'au'aunaga ma pisinisi tau meli a le kamupani, e ui lava o lenei tulaga e lelei mo le atunu'u atoa.

Peitai o le tulaga lelei, o le a fa'aogaina foi e le Falemeli lenei atina'e a le Malo, e ofoina atu ai nisi 'au'aunaga fou talafeagai, mo nu'u ma alalafaga i tua, ia avea ma sui ole Malo ma pisinisi, mo le tu'uina atu ai nei 'au'aunaga mo le lautele o le atunu'u.

4.1.3 Si'itia o le tulaga o Samoa mai atunu'u e vaivai le tamaoaiga (LDC) i le vaega e feololo le tamaoaiga.(DC)

O le fa'ase'e 'ese mai o le Malo o Samoa mai Malo e vaivai latou tamaoaiga (LDC) o lea matua a'afia ai le kamupani i tulaga tau tupe.

1. O lea le toe agava'a le Falemeli o Samoa i poloketi e fa'atupeina Iuni a Falemeli o le Lalolagi, e atia'e ai falemeli i atunu'u e vaivai le tamaoaiga, fa'atasi ai ma le toe agava'a i fesoasoani mo le a'oa'oina o le 'aufaigaluega, atoa ai foi ma le fa'aititia o fesoasoani, mai teuga tupe fa'apitoa e fesoasoani ai mo Samoa. Ua fa'asauni ai le Falemeli o Samoa mo nei suiga i le tausaga e 2016.
2. O le a si'itia foi le Falemeli o Samoa i le Vaega 3, o le fa'atulagaina o atunu'u o le Iuni a Falemeli o le lalolagi (UPU). O a'afiaga, o lenei si'itaga, o le taugata lea o le totogi'ina o meli lafo atu mo atunu'u mamao, ina ia feso'otai ma le tau fuafuaina mo le fa'atinoina o nei 'au'aunaga. Ua tu'uina mai e le Iuni a Falemeli o le lalolagi(UPU) le lua(2) tausaga(2014-2015) i le kamupani e tapenapena ma sauniuni atu ai i nei suiga ma fa'atino galuega ma fuafuaga talafeagai.

4.2. ILOILOINA O LE SI'OSI'OMAGA (SWOT ANAYSIS)

MALOSI'AGA	AVANOA FA'ALELEIA AI
<p>1. Maualuga le tulaga o fefa'ataua'iga ma feso'ota'iga ma atunu'u i fafo.</p> <p>2. Lelei le lagolago tu'uina mai e le Fa'alapotopotoga 'autu o meli i fafo (UPU&APPU).</p> <p>3. Taugofie tau mo fa'atauvaaga mo 'au'aunaga o fela'ua'iga.</p> <p>4. Mafai ona sa'ilia meli EMS e fa'aaogaina ai se polokalame (Track & Trace) fa'apitoa mo le sa'ilia o meli i 'au'aunaga fa'apitoa.</p> <p>5. Mausali ma lelei mata'upega o feso'ota'iga i totonu o Samoa.</p> <p>6. Fa'amaoni ma a'oa'oina lelei le 'aufaigaluega.</p> <p>7. Lelei le tulaga o le Ofisa 'Autu ona o lo'o i le oga totonugalemu o le taulaga.</p> <p>8. E na'o le Falemeli o Samoa e lolomi'ina ma fa'atauina fa'ailoga i totonu o Samoa.</p>	<p>1. Malosi le lagolago a le Iuni o Falemeli a le Lalolagi ma le maketi e mo le lalolagi atoa.</p> <p>2. O lo'o fa'atuputupula'ia le maketi o meli affi ma le EMS i atunu'u i fafo.</p> <p>3. Talu ai o lo'o iai lava le tomai ma le agava'a fa'apitoa i le 'aufaigaluega a le Falemeli o Samoa i lea lava 'au'aunaga, lona uiga e telē le avanoa e mafai ai ona fai pa'aga ma le 'au faipisinisi, 'aemaise i tulaga ma 'au'aunaga tau tupe.</p> <p>4. O lo'o fa'atupula'ia pea maketi tau feso'ota'iga ma fefa'ataua'iga.</p> <p>5. Fa'aauau pea le a'oa'oina o le 'aufaigaluega mo avanoa e fa'alautele ai le iloa e ala atu lea i atun'u i fafo.</p> <p>6. O lo'o tele pea avanoa i Ofisa o le Falemeli i nu'u i tua e fa'atino ai pisinisi.</p> <p>7. Taugofie feso'ota'iga ma fefa'ataua'iga ma pa'aga fai pisinisi.</p>
VAI'VAIGA	A'AFIAGA
<p>1. Maualalo le tulaga e mo'omia ai le 'au'aunaga ma le gafatia ona totogi i totonu o Samoa.</p> <p>2. Fa'asolosolo ina fa'aititia o fefa'ataua'iga tau meli i le lalolagi atoa</p> <p>3. Fa'aititia pea i latou e mo'omia le 'au'aunaga ua fa'apena ona fa'aititia ai tulaga mo'omia e fa'atino ai galuega.</p> <p>4. Pu mo'omo'o le tamaoaiga ma e faigata ona atia'e.</p> <p>5. E le'o maua se tupe fa'asili mama mai 'au'aunaga DPOs, ona e leai se maketi o fefa'ataua'iga i totonu o Samoa aemaise i nu'u i tua.</p> <p>6. E le lelei ma fa'amoemoeina feso'ota'iga fa'aonaponei i le va o Savai'i ma Upolu.</p> <p>7. Ua fa'amutaina faiga pa'aga ma le Fa'alapotopotoga Tau Eletise (EPC) ma le Western Union.</p>	<p>1. Fa'aititia pea tulaga o meli fe'avea'i, 'ae fa'atupula'ia pea feso'ota'iga i 'auala fa'aonaponei.</p> <p>2. Fesuisuia'i pea o 'auala o feso'ota'iga fa'aonaponei, ua fa'atupula'ia ai pea i latou ua fa'aaogaina ia auala o feso'ota'iga.</p> <p>3. Maualuga tau e fa'atino ai galuega fa'apisinisi(fa'aaogaina 'au'aunaga fa'atino)</p> <p>4. Si'itia tau o meli felaua'i.</p> <p>5. Matafaioi i le lautele mo le atunu'u fuafua i matafaioi fa'apisinisi.</p> <p>6. Laititi le tamaoaiga, ma le toatele oi latou e ofoina lenei 'au'aunaga.</p> <p>7. Fa'aletonu o tulaga o tupe a le lalolagi ma suiga i pisinisi fa'apa'aga.</p> <p>8. Si'itia o Samoa mai atunu'u e vaivai le tamaoaiga i le 2014.</p> <p>9. Si'itia o le tamaoaiga I feso'otaiga fa'a-tekonolosi.</p> <p>10. Fa'atupula'ia ma to'atele i latou o lo'o fa'atauva i se maketi la'ititi mo fefa'ataua'iga.</p>

5. FA'AMATALAGA FUAFUAGA 'AUTASI

Sini Fa'amoemoeina

O le a mafai ona 'ausiaina e le Falemeli o Samoa ana Matat'ia ma ana Ta'iala fa'ata'atitia i se tulaga maoa'e ma lelei, e ala lea i le ofoina atu oni 'au'aunaga talafeagai ina ia maua mai ai ni Tupe Maua Fa'asili, gafatia ona totagi tupe e fa'atino ai galuega, fa'amoemoeina ma mafai ona ofoina atu le 'au'aunaga, e le gata i Samoa a'o atunu'u i fafo.

Sini Galue

O lea avea le kamupani a le Falemeli o Samoa ma "Ta'ita'i" i lana 'au'aunaga i le tufaina o meli afifi atoa ai ma meli tusitusia i laupepa, i le fa'aogaina lea o ta'iala ma faiga fa'avae i atunu'u i fafo, ma e iai fo'i agava'a ma malosiga e avea ai ma pa'aga e mo'omia e le 'au faipisinisi.

Agava'a Taua

- Talitonuina lana 'au'aunaga
- E iai tulaga aoga Tupe - Fa'aagaga
- Fa'amaoni
- E le fa'aitu'au lana 'au'aunaga
- Taua taimi e fa'atino ai galuega
- Fa'atuatuaina
- Fa'amoemoeina
- E malamalama tulaga uma e fa'atino ai galuega/lelei pulega o galuega
- Fa'alagolago iai Pa'aga ma i latou e ofoina iai lenei 'au'aunaga
- Fa'amalosia le faigaluega felagolagoma'i ma le fefa'asoa'i i le i le fa'atinoina o galuega.
- Fa'atinoina galuega i lalo o aiaiga ma fa'avae fa'a-le-tulafono o lo'o iai nei
- Fa'atumauiina pea tulaga maualuga i ana atina'e
- A'oa'oina lelei le 'aufaigaluega i agava'a mo'omia
- E fa'atauaina le fa'amalieina pea o i latou o lo'o ofoina iai le 'au'aunaga

6. SINI 'AUTU, 'AUALA E 'AUSIA AI MA FUA O GALUEGA.

O lo'ó taula'i pea le va'ai i auala e 'ausia Sini 'Autu e pei ona fa'ata'atitia i le Fuafuaga 'Autasi ua mavae, ma ua sui nei le taula'i i faiga fa'avae i atunu'u i fafo ina ia mafai ona fa'ateleina meli ma pisinisi tau meli i Samoa.

Ua 'ave le fa'amuumua a le Falemeli o Samoa ia maualuga ma lelei le 'au'aunaga ofoina atu, e pei naunauta'i mai i latou atunu'u i fafo e fia iloa tulaga uma e fe'avea'i ai latou meli se'ia taunu'u i maota ma laoa. O lo'ó fa'aaauu pea ona fa'aleleia 'au'aunaga i ofisa o lo'ó i nu'u ma alalafaga i tua i tulaga o fefa'ataua'iga.

1. Ia 'ausia Tupe Maua Fa'asili (Polofiti) i tausaga fa'ale tupe uma ma le agai atu i le lumana'i.
2. O lo'ó mata'itu maketi o fefa'ataua'iga ma feso'ota'iga i atunu'u i fafo o lo'ó fa'aaogaina ai tekonoosi fa'aonaponei fa'aleleia atili falemeli uma mo le kilivaina o oloa fa'atau i luga o initaneti.
3. Fa'aaauu ona galulue so'oso'o tau'au ma le Iuni o Falemeli o Asia ma le Pasefika, ma le Iuni o Falemeli o le Lalolagi o lo'ó maua mai ai fesoasoani tau tupe, fa'aleleia 'au'aunaga ma suiga fou mo le lumana'i o le Falemeli.
4. Ia fa'aleleia atili tulaga o 'au'aunaga o lo'ó ofoina atu e le kamupani ma nisi 'au'aunaga fou i ona Falemeli uma i le atunu'u.
5. Sa'ilia oni pa'aga fa'apisinisi fou ma fa'alelei atili feso'ota'i ma pa'aga fa'apisinisi o ai nei.
6. Ia iloilo tulaga o tau fa'atapuraa o 'au'aunaga aemaise lava i 'au'aunga i affi ma meli fa'apitoa, ma silasila i ni avanoa mo 'au'aunaga fou mo le felaua'iga o affi lapopo'a.
7. Ia fa'aaauu ona a'oa'oina le 'aufaigaluega ia maua pea tomai ma agava'a fa'apitoa, e mana'omia ma suiga i maketi o fefa'ataua'iga, ina ia si'itia atili le 'au'aunaga e pei ona ofoina atu i atunu'u mamao.

6.1. Sini Galue, Auala e 'Ausia ai ma Fua o Galuega – 2015-2017.

Sini 'Autu	Auala e 'Ausia ai	Fua o Galuega
<p>1. 'Au'aunaga Tau Meli.</p> <p>1.1 Fa'aleleia galuega ma 'auala e fa'atino ai i tulaga e mo'omia aua le sauni atu mo le se'e 'ese mai o Samoa i atunu'u vaivai le tamaoaiga i atunu'u malolosi tamaoa'iga (Group 3)</p> <p>1.2 Ia mata'itu ni pa'aga fou tau pisinisi i atunu'u i fafo i tulaga o le aofa'i o meli e mafai na fe'avea'i.</p> <p>1.3 Fa'aleleia tulaga o le IPS Light track & Trace...mo le fa'aleleia atili o le 'au'aunaga.</p>	<p>1. Taula'i le fa'aleleina atili o le 'au'aunaga i 'auala o feso'ota'iga ma fefa'ataua'iga 'aemaise o le fa'aleleia o le 'au'aunaga tau meli.</p> <p style="padding-left: 40px;">A'oa'o le 'aufaigaluega ini metotia fou e fa'atino ai galuega fuafua i le se'e 'ese mai o Samoa mai le LDC – atunu'u e vaivai le tamaoaiga, 'ae 'auai atu ile DC atunu'u e malolosi tamaoaiga i le 2016.</p> <p>2. Ia 'auai malosi i maketi o fefa'ataua'iga i atunu'u i fafo ina mafai ona maua mai ni avanoa mo le fe'avea'ina o meli.</p> <p>3. Ia tu'u vaega ole Track and Trace i le website, ma ia mafai ona silafia e i latou o lo'o ofoina iai lea 'au'aunaga le fa'agasologa ma le tufaina o meli i uega tafa'ilagi ale kamupani.</p>	<p>1. Mata'itu tupe fa'aalu ma ia mautinoa ia maua ni Tupe Maua Fa'asili (Polofiti) talu ai e taugata tele le tau e fe'avea'i ai meli e atunu'u e le auai i le LDC lea la'a iai Samoa.</p> <p>2. Ia 'ausia Sini Galue i masina, tausaga ma kuata ta'itasi pei ona fa'ata'atia mai e le UPU ina ia agava'a ai i le totogi'ina mai o fa'amanuiaga i fua o galuega.</p> <p>3. Ia iai ni faiga pa'aga se lua(2) mani fai pisinisi i atunu'u i fafo i tausaga ta'itasi.</p> <p>4. Ia mautinoa le maua pea o Tupe Maua Fa'asili a le kamupani i tausaga ta'itasi.</p> <p>5. Ia si'itia i le 2.5% Tupe Maua i tausaga ta'itasi mai faiga pa'aga ma pisinisi i atunu'u i fafo ma ia fa'atupula'ia fefa'ataua'iga fa'aonaponei.</p>
<p>2. 'Au'aunaga o Fefa'ataua'iga</p> <p>1.1. Ia fa'aleleia atili ma fa'atupula'ia pea 'au'aunaga ma oloa 'ese'ese o lo'o ofoina atu ele kamupani.</p> <p>1.2. Ia mafana le feso'ota'iga ma le kamupani o lo'o aoina ma fa'atauina fa'ailoga tusi ina ia si'isi'i i luga tupe maua mai fa'ailoga.</p> <p>1.3. Fa'atauina atu oloa tau meli i tagata ta'itoa'tasi.</p>	<p>1. Ia matua galulue malosi le vaega o fefa'ataua'iga (maketi) ma asiasi i a'i latou o lo'o ofoina iai le 'au'aunaga, ma ia una'ia e ala i le fa'alauiloaina o oloa ina atili taulia ma mo'omia.</p> <p>2. Si'isi'i i luga le tulaga i le ta'uleleia (image) o le kamupani e ala lea i le toe fa'aleleia o Ofisa a le Falemeli o lo'o i tua.</p> <p>3. Ia feso'ota'i atu i va'a tetele la'u pasese o lo'o taunu'u mai i Apia mo le fa'atauina atu o fa'ailoga tusi lolomi ma pepa ata lolomi (cards).</p> <p>4. Asiasi i Ofisa ma nu'u i tua, faia ni fa'alauiloa e toe fa'atauina ai pea 'au'aunaga tau meli ma Tupe Fe'avea'i (Xpress Money Transfer) ma isi 'au'aunaga ofoina atu i totonu lava o Samoa.</p>	<p>1. Ia si'itia Tupe Maua mai fefa'ataua'iga i le 1.5% i tausaga ta'itasi, ma pa'aga fai pisinisi fai.</p> <p>2. 'Aua ne'i iai ni faitioga mai le 'au fa'atau ma ia si'itia le tulaga o le fa'amalieina o le 'au fa'atau.</p> <p>3. Ia si'itia i le 2.5% i tausaga ta'itasi Tupe Maua Fa'asili mai le mai le fa'atauina o fa'ailoga lolomi mai faiga pa'aga ma le PCI.</p> <p>4. Ia 'ausia matati'a fa'ata'itia i tulaga tau Tupe i tausaga ta'itasi.</p>

<p>3. Au'aunaga Faipa'aga i Ofisa i tua.</p> <p>1. Ia fa'amalosia 'au'aunaga i faiga pa'aga fa'apisinisi, e auala atu lea i le fa'aleleia atili o fale, si'itia tulaga o feso'ota'iga ma 'au'aunaga tau falemeli i nu'u i tua.</p>	<p>1. Ia fa'alauiloa le taugofie ma le lelei o le fa'atinoina o galuega e le Falemeli o Samoa mo pa'aga fa'apisinisi e ono mafai ona galulue fa'atasi.</p> <p>2. Fa'afaigofie le fa'atinoina o 'au'aunaga ma fa'aleleia atili feso'ota'iga ma falemeli i tua, e tusa ma mana'ga o pa'aga fa'apisinisi.</p> <p>3. Ia asiasi atu i pisinisi fai pa'aga o lo'o iai mai lea taimi i lea taimi e fa'amausali faiga pa'aga ma sa'ili mai nisi avanoa e fa'aleleia atili ai le 'au'aunaga.</p> <p>4. Ia sa'ili le 'au faipisinisi e mo'omia lisi e lisiina atu iai potu o lo'o avanoa i le Ofisa 'autu i Apia.</p>	<p>1. Ia lua(2) pe sili atu ni feagaiga e saina mani pa'aga fai pisinisi i le tausaga.</p> <p>2. Ia mausali feso'ota'iga ma i latou o lo'o ofoina iai le 'au'aunaga ma ia mautinoa le lelei o le 'au'aunaga o lo'o ofoina atu i taimi uma.</p> <p>3. Ia mautinoa le fa'aititia o fa'afitauli e tupu mai i tenokolosi fa'aonaponei ini 'au'aunaga fou tau meli e ofoina atu.</p>
<p>4. A'oa'oga ma Atina'e mo le 'Aufaigaluega.</p> <p>1. Ia tapena se Fuafuaga mo le tausaga (Annual Plan) mo le faia oni a'oaoga i agava'a e mo'omia e le kamupani.</p>	<p>1. Ia fa'aauau ona a'oa'oina le 'aufaigaluega ina ia mautinoa le fa'aa'upegaina pea i tomai mo'omia mo le fa'atinoina o galuega.</p> <p>2. Ia 'auai le 'aufaigaluega ini a'oa'oga e faia i atunu'u i fafo, ina ia mata'itu ma silafia lelei suiga i lenei vaitau, ina ia maualuga ma talafeagai le fa'atinoina o galuega tau meli.</p>	<p>1. Ia mautinoa ia toalua (2) sui ole 'aufaigaluega e 'auina atu e a'oa'oina i atunu'u i fafo o lo'o fa'atupeina e pa'aga a le kamupani i atunu'u i fafo.</p> <p>2. Fa'aauau ona iloilo pea le tulaga o le fa'atinoina o galuega a le 'aufaigaluega fuafua i ta'iala fa'ata'atitia ma latou taunu'uga.</p>

7. FA'AMATALAGA O TUPE

7.1.FUAFA'ATATAU O TUPE MAUA 2015 – 2017

	"TUPE MAUA"	FUAFA'ATATAU	FUAFUAINA	ATA FA'ATA'ATIA	ATA FA'ATA'ATIA
(i le ta'i afe iunite o le tala)	2013	2014	2015	2016	2017
Tupe Maua		Iloiloina			
'Au'aunaga tau Meli	1,493.0	1,427.30	1,531.50	1,608.08	1,688.48
Fefa'ataua'iga	525.37	140.98	218.00	196.20	176.58
'Au'aunaga	247.16	250.78	245.00	242.55	240.12
Fa'apa'aga					
'Au'aunaga Initeneti	79.25	29.94	30.00	30.00	30.00
Isi Tupe Maua	125.58	224.02	200.00	210.00	168.00
	2,471	2,073.02	2,224.50	2,286.83	2,303.18
Tupe Fa'aalu fa'atino ai Galuega					
Tupe Fa'aalu mo galuega fa'atino	697.14	626.11	674.90	681.65	688.47
Tupe Fa'aalu i Pule'aga	164.22	155.21	233.00	235.33	237.68
	831.10	734.37	733.00	769.65	808.13
	1,692	1,515.69	1,640.90	1,686.63	1,734.28
Polofiti maua mai fa'atinoga o Galuega					
Tupe Fa'aalu va'aiga o Tupe	778.08	557.33	583.60	600.20	568.90
Polofiti Maua a'o le'i to'esea lafoga	190.56	143.16	215.00	217.15	219.32
Tupe totogi i lafoga (27%)	587.52	414.17	368.60	383.05	349.58
Tupe maua fa'asili mai Galuega Masani	158.63	111.83	99.52	103.42	94.39
Isi galuega 'ese mai galuega masani	428.89	302.34	269.08	279.62	255.19
Tupe Maua Fa'asili(Polofiti)					
Tupe totogi ile 'Au Faisea	0	0	0		
Tupe Maua Fa'aagaga.	428.89	302.34	269.08	279.62	255.19
	214.45	151.17	134.54	139.81	127.60
	1,599	1,749.90	1,884.44	2,024.25	2151.85

- Mo le slafia fa'amolemole e le'i mae'a ona su'eina tusi o fa'amatalaga o Tupe 2010-2011

7.2 FUAFA'ATAU O FA'AMATALAGA O TUPE 2015 – 2017**FALEMELI O SAMOA – FA'AMATALAGA O TUPE**

(I le ta'iafe unite o le tala)	Tupe Maua 30 Iuni 2013	Fua Fa'ataau. 30 Iuni 2014	Fuafuaga 30 Iuni 2015	Ata Fa'ata'atia 30 Iuni 2016	Ata Fa'ata'atia 30 Iuni 2017
Aseta					
Aseta mo se vaitaimi umi					
Meatotino, masini ma mea faigaluega	186	190	101	180	144
Uiga tausa'afia o galuega	0	0	0	-	
Laisene ma 'auala fa'atino ai galuega	0	0	0	-	
Tupe fa'afaigaluega ma Pa'aga	0	0	0	-	
Isi asetia tau tupe	0	0	33	83	133
	186	190	134	284	278
Meatotino i le taimi nei					
Oloa o lo'o iai	103	105	101	116	121
Tupe o fefa'ataua'iga ma tupe maua mai aitalafu	651	586	592	580	594
Tupe vave totogi a'o le'i galuea'ina	0	0	0	-	
Tinoitupe ma tinoitupe fa'atusatusa	5,939	6,894	7,239	7,317	7,237
Tului	0				
	6,694	7,451	7,931	8,013	7,951
Aofa'i Aseta	6,880	7,641	8,065	8,277	8,229
AITALAFU					
'Aitalafu mo se taimi umi					
Tupe Maua o lo'o fa'apafala	175	131	368	276	236
Lafoga fa'apafala	26	291	112	100	103
Fa'amanuiaga ritaea fa'agaga	0	0	11	25	30
	202	423	491	401	370

Aitalafu o lo'o iai.					
Totogi fefa'ataua'iga ma isi tupe totogi atu.	4,232	4,307	4,783	4,786	4,911
Isi 'aitalafu ma tupe totogi fa'apafala	50	60			
Vagst totogi atu.	50	53	60	77	51
Tupe totogi atu 'Au-faisea.	457	433	243	383	128
Fa'aagaga mo 'aitalafu le totogia.	0	3	4	3	23
Fa'aagaga mo lafoga totonu	291	112	100	103	94
	5,079	4,968	5,190	5,352	5,207
Aofa'iga o aitalafu	5,281	5,391	5,680	5,753	5,577
Fa'asiliga o meatotino	1,599	2,250	2,384	2,524	2,652
Tupe 'Au Faisea					
Tupe Fa'avae ma Tupe Fa'aagaga.					
Fa'avae tu'uina atu.	500	500	500	500	500
Tupe Fa'aagaga	0	0	0	0	0
Tupe Maua Fa'aagaga	1,099	1,750	1,884	2,024	2,152
	1,599	2,250	2,384	2,524	2,652

7.3 FUAFA'ATATAU MA FA'AMATALAGA O TUPE FETAFAE'I – 2015-2017**FALEMELI O SAMOA – FUA FA'ATATAU O TUPE FETAFAE'I -2015-2017.**

(ile ta'i unite o tala)	TAUSAGA UA MAVAE 2013	FUA FA'ATATAU 2014	ALAFUA 2015	ATA FA'ATATAU 2016	ATA FA'ATATAU 2017
Fa'agasologa o Tupe i Galuega Fa'atino					
Tupe totogi mai i 'au'aunaga ofoina atu	2,471	2,073	2,225	2,287	2,303
Tupe totogi ai 'oloa ma tagata faigaluega	-1,883	-1,659	-1,856	-1,904	-1,954
Aofa'i Tupe Maua mai Galuega Fa'atino	588 0	414 0	369 0	383 0	350
Tului totogi atu	-159	-112	-100	-103	-94
Lafoga totogi atu	-159	-112	-100	-103	-94
Tupe maua mai isi galuega e le masani ai.	429	302	269	280	255
Tupe maua fa'asili mai galuega Fa'atino					
Fa'agasologa o Tupe mai le fa'afaigaluegaina o Tupe	0 188	100 169	100 152	50 137	50 123
Fa'atauina mai meatotino, masini ma isi mea faigaluega	188	169	152	137	123
Tului maua mai Tupe teu fa'avataimi					
Tupe fa'asili mai tupe fa'afaigaluega ma isi	0 0	0 0	0 0	0 0	0
Tupe maua mai nonogatupe ma isi	-214	-151	-135	-140	-128
Tupe maua mai nonogatupe mo vaitaimi umi	0 -214	0 -151	0 -135	0 -140	-128
Totogi o lisi tau tupe	403	420	387	327	251
Tufatufaga i 'au Faisea					

Tupe Fa'avae tu'uina atu	5,939	6,342	6,762	7,149	7,476
Tupe fa'asili mai Nonogatupe ma isi	6,342	6,762	7,149	7,476	7,727
Tinoitupe ma tinoitupe fa'atusatusa ile amataga o le piriota					
Tinoitupe ma tinoitupe fa'atusatusa i le fa'ai'uga o le piriota					

7.4.Fa'ailoilogā tau Tupe a le Falemeli o Samoa 2015-2017

	30-Iun-13 Tausaga ua mae'a	30- Iun-14 Fuafa' atatau	30-Iun- 15 Ala fua	30-Iun- 16 Ata Fa'atatau	30-Iun- 17
FUA FA'AILOILO TAU TUPE					
<i>Tupe Maua:</i>	2,470.54	2073.02	2,224.50	2,287	2,303
EBITDA (Polofiti Aoao)	587.68	414.33	368.76	383.21	349.74
EBITDA (Polofiti Aoao i %)	0	0	0	0	0
<i>Tupe Fa'aalu</i>	1,883	1,659	1,856	1,904	1,954
Polofiti a'o lei to'esea lafoga	588	414	369	383	350
Polofiti mae'a to'esea lafoga	428.89	302.34	269.08	279.62	255.19
Meatotino i le taimi nei					
Meatotino i le taimi nei	6,694	7,451	7,931	8,013	8,229
Aofai o Meatotino	6,880	7,641	8,065	8,277	8,229
Aitalafu i le taimi nei					
Aitalafu i le taimi nei	5,079	4,968	5,190	5,352	5,207
Aofai o Aitalafu	5,281	5,391	5,680	5,753	5,577
Aofai o le Aufai Sea	27%	17%	14%	14%	12%
Tulaga o Polofiti:					
Polofiti Aoao %	24%	20%	17%	17%	15%
Polofiti % o Tupe Maua	17%	15%	12%	12%	11%
Tulaga o polofiti fa'atusa i le aofai o 'sea' (shares) umia(%)	27%	17%	14%	14%	12%
Vave faaliliu i tinoitupe:					
Fa'atusatusaga o meatotino i le taimi nei	1.3 : 1	1.5 : 1	1.5 : 1	1.5 : 1	1.6 : 1
Vave fa'atinoga o galuega:					
Aitalafu e fua i aso o Tupe Maua	113	132	106	117	142
FUA FA'AILOILO E LE'O NI VAEGA TAU TUPE					
	30-Iun-13 Tausaga ua ma'ea	30- Iun-14 Fuafa' atatau	30-Iun- 15 Ala fua	30-Iun- 16 Ata Fa'atatau	30-Iun- 17
Aofa'i o SPO	33	35	35	35	35
Aofa'i o DPO + CPO	1 + 5	1 + 5	1 + 5	1 + 5	1 + 5
Aofa'i o Pusa Meli o loo Fa'aaogaina	2,600	2,034	2,134	2,240	2,352
Aofa'i o Meli	212,997	174,658	143,219	117,440	96,301

8. POLOKETI FUAFUA E LAGOLAGO AI I FAIGA FA'AVAE A LE MALO

8.1. Fa'aleleia 'au'aunaga mo Ofisa ma Lala fa'a- Itumalo i Savaii

O le ā fa'aleleia le ofisa fa'aitumalo i Tuasivi ma Fagamalo. O le fa'amoemoe ina ia fa'amalosia le mafai ona tu'uina atu so'o se 'au'aunaga i se tulaga maualuga e pei ona fuafuaina i le Fuafuaga 'Autasi.

O le ā fa'atino suiga talafeagai mo le 'aufaigaluega ina ia malosi le tu'uina atu o 'au'aunaga i tulaga mana'omia, e avea ma fa'atosina mo le tu'uina atu o 'au'aunaga mo le mamalu o le atunu'u.

8.2. Fa'atauina mai o Ta'avale a le Kamupani

Ua fuafua foi o le a suia uma ta'avale o lo'o fa'aogaina i le taimi nei, e tauala mai i le talosagaina e fa'atupeina mai e le Iuni a Falemeli o le Lalolagi e tauala mai i lana Poloketi fesoasoani e fei ona fa'atinoina foi i tausaga e 2011. E iai le fa'amoemoe o lea sui'ina mai nei ta'avale ini ta'avale fou ma e talitonu le kamupani o le ā telē se fa'amāmā avega i tulaga tau tupe talu ai le tele o tupe e fa'aalu i le va'aiga lelei(maintenance) o nei ta'avale tuai, ma o lea fa'aleleia ai fo'i le tulaga o fela'ua'iga ma 'au'aunaga e mo'omia ai ta'avale.

O le fa'atauina mai o ta'avale fou e lima (5) i le taimi e tasi o le a fesoasoani lea i le fa'asoasoina o tupe, ma e talitonu e maua ai se fesoasoani (discount) a le kamupani, ma o le a fa'apea ona maua mai ai nisi tupe fa'aopopo, i tupe maua a le Falemeli o Samoa.

9. Lagolago Faiga Fa'avae a le Malo o Samoa

O lo'o usita'ia e le Falemeli o Samoa ia Tulafono uma e patino i le fa'atonutonuina o pisinisi i totonu o Samoa, e pei o tulafono tau 'aufaigaluega, a'ia'iga a le Matagaluega o Galuega, Tulafono tau Si'osi'omaga ma isi, e fa'aopopo i le lagolagoina o Faiga Fa'avae a le Malo.

Ua fa'aauau pea ona taula'i le va'ai a le Falemeli o Samoa i ana 'au'aunaga 'autu fa'apisinisi ma mata'itu fefa'ataua'iga o lo'o fa'aaogaina ai tekonoosi fa'aonaponei e pei ona fa'amatalaina i lalo o le Tulafono o Galuega Tau Meli 2010, 'ae ua fuafua fo'i nei 'au'aunaga e ofoina atu mo maketi o lo'o fotua'i mai, a'o lo'o fa'atonutonuina e mana'oga o le maketi.

O le fa'amalosia o falemeli uma i le atunu'u, ina ia mafai pea ona tu'uina atu so'o se 'au'aunaga i se tulaga taugofie mo le mamalu o le atunu'u.

O lo'o galue pea le kamupani ma le tele o pa'aga fa'apisinisi e pei ole Western Union, Union Trust of Samoa(UTOS), National Bank of Samoa, ina ia mafai ele kamupani ona ofoina atu 'au'aunaga tau tupe i nofoaga o lo'o alala ai le mamalu o le atunu'u. O lo'o galulue pea e fai se faiga pa'aga ma se kamupani mai fafo i pisinisi o tupe fa'amomoli, ina mafai e le Falemeli ona atia'e lenei fo'i 'au'aunaga i le lumana'i